

A Ny fitsanganana'i Jesosy tamin'ny maty

❖ Tranga teo amin'ny tantara ve ny fitsanganana amin'ny maty? (1 Korintiana 15:1-11)

- Mialoha ny niresahany momba ny fisalasan'ny Korintiana mahakasika ny fitsanganana amin'ny maty, dia nampahatsiahy azy ireo ny amin'ny fiasan'ny filazantsara i Paoly (1 Kor. 15:1-2): Toriana => Raisina => Iorenana tsara => Azo ny famonjena.
- Koa inona no filazantsara toriana? (1 Kor. 15:3-4): Kristy maty noho ny fahotantsika => Nalevina Kristy => Nitsangana tamin'ny andro fahatelo.
- Ahoana no ahafantarantsika fa tranga nisy teo amin'ny tantara ny fitsanganana tamin'ny maty? Iza no nahita an'i Jesosy nitsangana tamin'ny maty? (1 Kor. 15:5-8): Petera sy ny roa ambin'ny folo lahy => Rahalahy mihoatra ny 500=> Jakoba sy ny apostoly => Paoly “ilay tsy tonga volana”.
- Ataon'i Paoly mazava fa ny filazantsara dia asan'Andriamanitra tanterahina “araka ny Soratra Masina.” Izany hoe: drafitra efa voaomana tsara ka mitana anjara lehibe ao amin'izany ny fitsanganana amin'ny maty. Misy misalasala ve? Aoka izy ireo hanontany ireo vavolombelona tamin'izany izay mbola velona ankehitriny!

B Ny vokatry ny fitsanganana'i Jesosy tamin'ny maty

❖ Ahoana raha tsy nitsangana tamin'ny maty i Kristy? (1 Korintiana 15:12-19)

- Ny fandavana ny fisian'ny fitsanganana amin'ny maty dia mahatonga ny finoana Kristiana ho tsy mari-pototra, satira “raha tsy misy fitsanganana amin'ny maty, na dia Kristy aza dia tsy natsangana” (1 Korintiana 15:12-13). Ary raha tsy nitsangana i Jesosy...
 - (1) Foana ny fitoriana ny filazantsara [tsy misy heviny] (1 Kor. 15:14a)
 - (2) Foana ny finoantsika [tsy misy heviny] (1 Kor. 15:14b) [tsy misy ilana azy] (1 Kor. 15:17a)
 - (3) Ho vavolombelona mandainga isika (1 Kor. 15:15)
 - (4) Ao amin'ny fahotantsika ihany isika (1 Kor. 15:17b)
 - (5) Tsy ho velona intsony ireo izay efa nodimandry (1 Korintiana 15:18)
- Raha tsy misy ny fitsanganana amin'ny maty, dia ho lehilahy marina novonoina tsy amin'ny antony i Jesosy, tsy afaka mamonjy. “Fa efa natsangana tamin'ny maty tokoa Kristy” (1 Korintiana 15:20a). Manana Mpamonjy VELONA isika.
- Noho izany antony izany, dia misy heviny ny filazantsara; ary toy izany koa ny finoantsika; vavolombelona mahatoky isika; voavela ny fahotantsika; ary ho velona indray ireo maty ao amin'i Kristy.

❖ Inona no antoky ny fitsanganana amin'ny maty? (1 Korintiana 15:20-34)

- Ny zavatra azo antoka voalohany noho ny fitsanganana'i Jesosy tamin'ny maty ho antsika izay nandray ny drafy-panavotana– nanomboka teo amin'i Adama ka hatramin'ny fiakaran'izao tontolo izao – dia, raha maty isika, dia hitsangana indray (1 Kor. 15:20-23).
- Inona no hitrangana aorian'ny fitsanganana amin'ny maty? Tamin'ny nandreseny ny fahafatesana, dia nandresy ny fahavalony rehetra i Jesosy (1 Kor. 15:25-26). Avy eo dia, hampaneken'i Jesosy ny Ray ny zavatra rehetra, mba “ho zavatra rehetra amin'izy rehetra Andriamanitra” (1 Kor. 15:24, 28).
- Ho fanampin'ireo antoka ho amin'ny ho avy ireo, dia mbola manome antoka roa ho antsika izay hisy fiatraikany eo amin'ny fiainantsika andavanandro i Paoly:
 - (1) Tsy mahafaty antoka ny mitory ny filazantsara, na dia miteraka fahoriana na koa loza aza izany. (1 Kor. 15:30-32)
 - (2) Tsy mahafaty antoka ny manana fiainana mifototra mafy amin'ny fitsipika ao amin'ny Baiboly (1 Kor. 15:33-34)

D Ny fitsanganantsika amin'ny maty

❖ Vatana inona no hatsangana amin'ny maty? (1 Korintiana 15:35-49)

- Mampiasa fanoharana efatra i Paoly hanazavana ny mahasamihafa ny tenantsika izao sy ny tenantsika natsangana:
 - (1) Tenan'ny zava-maniry (1 Kor. 15:35-38): Afafy ny voa; Jinjaina ny voa; Andriamanitra no manome tena ny zava-maniry tsirairay, araka izay tiany
 - (2) Tena nofo (1 Kor. 15:39): nofon'ny olombelona; nofon'ny biby; nofon'ny trondro; nofon'ny vorona
 - (3) Tenan'ny any an-danitra (1 Kor. 15:40-41): Ny voninahitry ny masoandro; Ny voninahitry ny volana; Ny voninahitry ny kintana; Samy manana ny voninahiny ny tsirairay (famirampiratana)
- Inona no maha-samihafa an'izao vatana ankehitriny izao amin'ny an'ilay hatsangana amin'ny maty? (1 Kor. 15:42-44)
 - (1) Vatana ankehitriny: mety lo; afa-boninahitra; malemy; araka ny fomban'aina
 - (2) Vatana natsangana: tsy mety lo; misy voninahitra; mahery; Araka ny fombam-panahy
- Nanana tenan'ny eto an-tany i Adama, tenan'ny any an-danitra no an'ilay Adama faharoa [Jesosy]. Amin'ny fitsanganana amin'ny maty, dia hovana hitovy amin'ny an'ny tenan'i Kristy, izay tsy mety lo, manana voninahitra, mahery, araka ny fombam-panahy, any an'ny an-danitra ity tenantsika ity (1 Kor. 15:45-49).

❖ Rahoviana isika no hatsangana amin'ny maty? (1 Korintiana 15:50-58)

- Mialohan'ny hamaritana ny fotoan'ny fitsanganana amin'ny maty sy izay hitranga amin'ny tenantsika amin'izay fotoana izay, dia manao fanambarana i Paoly fa “ny nofo aman-drà tsy mahazo mandova ny fanjakan'Andriamanitra” (1 Kor. 15:50). Midika ve izany fa tsy misy vatana azo tsapain-tanana amin'ny fitsanganana amin'ny maty?
- Ny fiteny “nofo aman-drà” dia mandrakariva entina hilazana “olombelona” (Mat. 16:17; Gal. 1:16; Efes. 6:12; Heb. 2:14). Maneho fampitahana i Paoly eto: mponin'ny Tany = fahalovana; mponin'ny Lanitra = tsy fahalovana. Eto isika dia manana vatana mihalo, noho izany, tsy afaka entintsika ho any an-danitra izy.
- Amin'ny Fiaviany Fanindroany, ny vatana mety lo dia hovana ho vatana tsy mety lo, toy ilay vatana nitsanganan'i Jesosy tamin'ny maty (1 Kor. 15:51-55; Lio. 24:36-40).
- Ho an'ireo matory ao amin'i Jesosy, dia ho toy ny fotoana vetivety monja izany. Vao iray segondra teo izy ireo no nahatsapa ny hiritiriny ny fahafatesana, ankehitriny izy dia efa mahita an'i Jesosy avy indray (1 Kor. 15:52).